

梁山縣志卷之二

知州銜知梁山縣事符永培纂輯  
同知銜知梁山縣事艾錡增修

山川

禹貢叙九州首紀名山大川鄭漁仲謂州郡有改易而山川終古不易蓋山土之聚也川氣之導也天地成而凝于高歸于下岡巒巖嶨矗漢參雲溪壑澄沏浮霞映日所在皆然梁邑方隅耳按區析載撮其梗槩俾險易得以周知津梁可以因度君子所貴致用也豈徒俯仰流連代卧遊之圖資登高之賦哉

梁山縣志

卷二

山川

一

高梁山

縣北二十里

一統志云在縣西南十里寰宇記云高梁大山在縣北四

十里

誤蜀中名勝紀云邑名高梁又曰都梁皆因山

也山長嶺峻其峰崔嵬最高處建精藍名菩薩頂透迤過峽由南郊萬年寺凸起文昌閣越東城樓復起一山右旋橫北尾東首西約三百步名正陽寨建縣治焉邑令程瑁長堪輿于縣治事宜中有云梁山縣來龍南方起祖走東復由東轉北入首主山後過峽處以正針格之在寅寅隸于離即係

離龍

此用納甲五行



蜀水經曰寰宇記謂梁山東尾大江西首劍閣凡數千里望之若長雲垂天是欲牽合爲一山而不知漢渠間隔不相連屬也隸梁州之山皆得以梁名獨劍閣乎哉

按山海經云高粱之山其上多堊其下多砥礪又云高粱之山西接岷嶓東引荆衡岵嶓嶽山也見眉州郭璞以岵嶽爲二山按山在今四川劍州北太平寰宇記云劍門縣大劍山亦曰梁山竊意晉張載劔閣銘巖巖梁山積石峩峩張文琮蜀道難

梁山縣志

卷二 山川

二

詩梁山鎮地險積石阻雲端皆指劍門而言明統志以劍閣銘所云卽以縣之高梁山當之誤矣

高都山 縣北一十五里亦曰都梁山峯巒迤邐百餘里輿地紀勝云都梁又名高都舊有高都驛乃唐天寶進荔枝之路也山壤腴而黃其民多業種薑

國朝南匯吳省欽高都嶺詩朝餐穿北郭霧凍日初上  
夤緣梁堰間紫萍碎搖漾官程趁農畛九背旋九  
向攀藤入高都種薑庶無恙方苦津梁疲驟覺耳



目曠盤盤鷹鶴羣決起如我抗水田沈芥坳山脉  
簇蟻壙累朝數劇邑析半義非創垂天亘長雲千  
里費隄防不見浮蘭碑搜竒失神王

太白山 縣北三十里

福利山 縣西北五十里俗名狐狸山明正德時都  
御史林俊以其豐腴改今名

小碧山 縣西北七十里方輿記要作  
二十里誤孤峯峭直色

碧如玉舊有玉皇觀歲久傾圮無存雍正七年刑  
科給事中陞授四川布政司高維新奉

梁山縣志

卷二

山川

三

命丈量經此捐貲建觀音閣

明邑人來知德登小碧山詩翠閣珠林侵碧霄危  
闌四面俯山椒天空峭石排元筍日晚殘霞駐赤

標海外誰人驂鳳鶴寰中何物喚瓊瑤江湖一望

無窮思惟寫鶯花答治朝按邑有筆山詩題碧作  
筆而加一小字似宜載

於此

陳嘉謨詩山銜野殿石屏孤僧冷秋雲一事無千  
里逢迎驚會面十年羞澁愧非夫爐香茗椀如行  
役霧樹風泉入畫圖謾憶匡廬遊走處老來蹤跡



自江湖

國朝寧晉高維新碑記丁未歲冬予奉

天子命入蜀有釐定畝畝之役告竣於永寧逾年秋月  
繼事於川東由萬縣經梁山遙望小山突兀色正  
碧詢之士人曰小碧山也其地因號碧山寨云按  
邑志小碧山在梁山縣距西七十里孤峯峭直色  
碧如玉固天地之秀亦此山之靈也惟是蟠龍金  
鳳撐拄其間者不一或作仙女動搖狀或有瀑布  
垂天紳下臨絕壑足備觀覽而蒼茫迢遞者則有

梁山縣志

卷二 山川

四

之若翠而潤平平而有奇致不逮碧山遠甚無何  
至其地循其徑陟其級登其巔如蓮之出於污泥  
而不染也吾聞青蓮有善果曷不以一龕供奉之  
庶幾哉長明燈下永鎮斯土以佑庇我生民焉爰  
是捐俸以庀材構宇以志勝以其工授之守土今  
年九月邑宰王君以落成告且請磨石以紀之夫  
偶爲興覽渺爾鳩僦曾何作記祇以萬山一邑自  
昔荒蕪不治我

朝教化日新漸臻恢擴時和歲稔百神呵護而予益於



此山作廟以妥奠之詩曰屢豐年於是乎在山有  
廟土人卽從而告虔香花頂禮朔旦無虛今秋西  
成咸慶大有得不謂惟山有靈爲民錫福也耶後  
之官斯土者其留意葺治以無致廢墜焉而可乎  
邑宰王君諱裕疆南皮縣人董厥功例得書名  
雨先山 縣東十里天將雨卽有霧氣土人以此占  
雨候多驗

峯門山 縣東一十五里勝覽云其山高大頂有寒  
泉兩崖對峙如門

梁山縣志

卷二

山川

五

寶珠山 縣東三十里與蟠龍山對峙

蟠龍山 縣東三十里許洞口內石雲自頂垂下距  
地二寸許儼若流雲從空墜下蔡雖碣載自洞口  
石雲至龍牀四百步

國朝勅封廣澤侯匾額懸洞口勝覽云孤峙秀傑突出  
衆山之上下有二洞洞有二石如龍狀首尾相蟠  
頂有石髓垂滴不絕深邃處有龍潭禱雨輒應旁  
有噴霧崖

宋陸游蟠龍瀑布詩遠望紛珠纓近觀轉雷霆人



言水出奇意使行人驚人驚我何得定非水之情  
水亦有何情因物以賦形處高勢趨下豈樂與石  
爭退之亦隘人強言不平鳴古來賢達士初亦願  
躬耕意氣或感激邂逅功名

明吳臯喻

一作喻時

蟠龍洞詩每向俗邊問還從幽裏

尋靈霄留幻影秘水帶寒陰雲鎖元虬宅烟分白  
玉簪好山看不盡空切古人心 又愛蟠龍洞乳

石垂浸取而飲焉故述詩云奇哉龍乳浸采之天  
使嘗一杯六塵淨兩杯五腹涼澄光勝琬液甘滋

梁山縣志

卷二

山川

六

比瓊漿願爾作霖雨長得沾窮荒

馮體元

一作谷中虛

詩題余奉命移撫南楚道經梁山

驅車過此時孟夏望日也詩曰山深雙洞古龍卧  
幾千年吾欲鞭龍起爲霖遍八埏

楊載鳴詩神龍窟宅何年有雲石陰陰白晝閒不

是飛泉流大地此中誰解有龍蟠

其一

探奇直欲

覓靈蹤石髓金口儘可逢尙憶玉簫題字處三春

應被白雲封

其二

口道隆詩西川憂旱魃攬轡重心驚洞底龍知否



題詩願乞靈

宛陵屠羲英遊蟠龍洞示諸生詩

蟠龍山洞傍天

開中有銀河宛轉來自是乾坤清絕處更從何地

覓靈臺其一白兔亭邊瀑布泉與雲作雨遍桑田

沿嵯直究原來處忽見蟠龍洞裏天是碑刻于隆慶辛未五月

國朝嘉慶甲子來知德蟠龍對酬王我齋問蟠龍之作詩曰若有

修文廟得之湫兮乃在魚復之國蠶叢之東劍閣周遭十萬重

上有蛾眉新月照羌戎冰輪兔兔藥杵紅下有雲

梁山縣志

卷二 山川

髮十二鎖芙蓉瓊瑤玉佩搖玲瓏雪絲裊裊墮空

濛化為象馬奔入馮夷宮生綃一幅懸太空影入

吳瀾越漲處處不敢生山峯郢客一見心忼忼捫

蘿攀蒼撥昏藁鞭煙撻霧入層崆六月六日生巖

冬金鷗赤日翻無功銀鈎蠶尾投幽巖大叫洞中

蟠者龍羣龍兮天上爾何為兮山中滿腹雷霆暗

不露爾獨忍兮塵世之疲癯我欲以爾訴元穹金

書玉簡起爾躬與爾雲致爾雨頓令八埏九野春

融融倏然幽壑水如舞巽二怒號捍强弩排蠓旌



兮張鯨斧揚天桴兮伐河鼓倒銀潢兮波咸池搖  
地姊兮撼天姥似與郢客通言語六幕昏黑不知  
所夜來夢八龍之山別有仙境非人間瑤樹琪花  
團鶴馭丹砂雲母護仙關仙童侍者鑲朱顏吹風  
捉月弄銀灣客亦因之入縹緲扶桑赤處羲和曉  
東視海水青玻璃區區五嶽彈丸小安期浮伯幾  
輪迴俛仰塵寰多草草信知凡龍出世間啄腐吞  
腥空自老一聲天雞江月杳啼醒浮生夢未了真  
耶夢耶兩不知坐見晨星三五橫秋嶠 又同邢

梁山縣志

卷二

山川

八

淺菴推府王葵軒莊岐岡二明府古民部遊蟠龍  
洞得雨字詩曰諸峰羅兒孫一峰插岫巉古湫山  
之窩雙壁鑿斤斧沉沉牛渚磯靈怪蟠水府中有  
沙羅奇瓏瑤佩碧乳齟齬墜青錦蹲踞如放舞瀉  
水相紛颺饑蛟吞渴虎九龍來瀑布萬壑擊雷鼓  
地媼澆醴泉醉此梁州土諸山盡醅醕不知有天  
寓鄉人憂旱魃餅罐時偷雨豈知人心靈應響如  
連弩耳夢古老言仙客煉藥釜一朝帝有詔拜下  
頭角膺意者巢許輩嘖嘖開花塢依山巢雲松種



藥傍水滸槎牙萬疊峰朝夕成賓主一朝隨化迸  
竭來同啄腐爲人復爲龍事亦近蒿邁髣髴李八  
百空筌入仙譜緣鵠飾玉輩好事成亥魯偶來登  
此山春花鬪蕙莆二三遊宦客暫解龜魚組剡水  
淨煩襟一洗塵囂腑乘醉弄潺湲出洞卽今古安  
侍駕飛車減鞞入天姥更有條條興走筆愧鸚鵡  
幸爾坡仙在却爲徐凝補

林俊詩薄伐申前令艱危寄折衝關山餘老馬筋  
力盡蟠龍洞瀉垂天瀑梯回駐日峰洗兵煩一挽

梁山縣志

卷二 山川

九

壓卵靖殊克

其一

磴轉崖根斷雲翻地軸浮接天

無鳳度隔洞有龍遊金革憐時運江湖與世憂遠

峰晴萬疊寒碧認忠州

其二

吳國寶詩日照千花見雲迷萬壑封高亭懸白兔  
飛練倒蒼龍披葛尋孤磴停車望遠峰午陰移洞  
口樹色自重重

王嘉言詩尋幽過鷲嶺乘輿入龍宮玉笋初驚眼  
靈牀忽盪胸有泉常汨汨無霧亦濛濛黃鶴何時  
去白雲留碧空



劉節詩去年烟雨入蟠龍今日蟠龍又雨中萬壑  
奔泉雷奮地數峰騰氣霧連空冥冥一滴天瓢水  
莽莽羣飛石燕風應是老髯眠不着玉鱗驚起舞  
瑤宮

張鯤詩茲山洞舊聞窈窕隔江濱澗草春堂淨巖  
花曲徑分泉飛巫峽雨氣接雪山雲六月正炎熱  
當來卧紫氛

蘇葵詩夜宿蟠龍山館幽四無雞犬有鞦韆九重  
雨露蠶叢晚五月寒霜劍閣秋門外亂蛙成兩部

梁山縣志

卷二

山川

十

案前殘燭照孤愁宦遊不惜身羸病分得重華幾  
許憂

張佳印詩蟠龍山半有龍蟠一入龍湫睡已安洞  
口四時常作霧雲峰六月定生寒傳呼霖雨俄成  
澤聞道驪珠可借看繫我亦當堅卧者漫因行路  
始知難

陳文燭詩蒼龍已出深山去洞口龍光護水紋珠  
近靈牀多掩映香生乳竇自氤氳乘雲甘雨時時  
作入夢長風處處聞海島天間爾何在清波遙向



此中分

趙世顯詩失水經時洞底眠早風如火稻生烟一朝奮翼騰空起霖雨須臾遍八埏

張琬詩白雲粘山龍參飛古雪壘玉汶嶺移少皞行從萬卜如滄海倒立天風吹八月槎凌星河底三千水擊鯢魚喜勢騰萬馬軍交馳聲震九天雷動威地多風雨肅靈祇帝遣虎豹遮藩維蟠龍之水天下奇恨謫仙人不見之乃使我輩歌此詩語愧銀河九天垂但欲未見來者知

梁山縣志

卷二

山川

十一

徐應侯遊蟠龍山白兔亭兼遊蟠龍洞詩蟠龍綿亘連百步山泉千尺懸瀑布遊人躋攀入深雲俗客澆胸對噴霧照面有亭半地傾名昉何年記白兔去年來梁曾此過細領風光須再度聞說山幽洞更幽迤邐環山三里路洞中爽氣撲人來洞門古樹雙虬護到洞列坐殘暑消石經剝蝕碑文蠹曾有孤槌掛半空內流石髓如珠露多招火焰窮其奇暗窟窈邃人驚怖出問父老歷七重未能窮闔向無數又云石牀龍酣睡吹息雷聲白日呼前



侯竭誠驅旱魃馬首欲回傾如注我今那覓鴟夷  
人授我丹訣舒悃愫至此世情已盡捐爲語卧龍  
休獨寤

國朝涂戴霍詩神物豈終蟠窮源看水漫龍眠牀疊綠  
石煉乳流丹紫誥傳青瑣旌書下彩鸞有人祈廣  
澤逸馭尙桓桓

邑令魯慶乾隆丙子夏月遊蟠龍洞詩四首蜿蜒  
山勢洞名傳洞口雲封別有天玉筍倒垂拖象鼻  
洞內倒垂石銀牀斜倚噴龍涎洞中有龍牀阿羅貌古  
柱上豐下銳

梁山縣志

卷二

山川

三

憑空設兩旁鑿石石乳丹成滿壁懸滿洞皆垂石乳蘇剝

殘碑詩漫滅遊人紀蹟在何年 六月披縣覓勝

蹤褰裳列炬客相從危臨仄徑苔痕滑冷徹清潭

雨氣濃二洞口甚狹僅容一人玉練窮源飛白兔

白兔亭之瀑布發源於此山下有銀河橋 銀河挾浪起蒼龍當年聞有

探奇者曾到仙關第七重 將軍事業困征鞍怒

氣憑吳劍氣寒志載蜀將張怵從先王征吳兵敗得道仙去後人禱雨者祀之靈應

如響百戰空勞歸白帝三分長恨託黃冠藥爐丹竈

江山老吸露餐霞歲月寬一自碧霄乘鶴去慈雲



今望鬱龍蟠 年來作吏濫吹竽爲政心勞試不  
誣馬上觀農憂旱魃洞中飯客設伊蒲陰陰巖壑  
迎秋早漠漠桑田待澤枯想是山靈應鑒我涼飈

微弄送歸途

是年因旱  
禱雨洞中

邵整詩泉峰環一峰地軸高屹嶠古洞豁雲根深  
邃凹無凸洞門蔭老松惜哉一已缺拈花微笑人  
妙相左右列正中鍾乳懸有若廣長舌神仙龕尙  
存於茲傳丹訣少進徑盤紆前途黑于鐵曠如復  
奧如何年鬼工設我相與人相渾不辨一切投炬

梁山縣志

卷二

山川

三

照光明多取防撲滅著腳滑滑泥孑孑行不輟石  
骨冰人寒頓消五情熱終古闕日光兩柱相蟠結  
衆瀨束盈坎神瀆噴如雪渟作萬丈湫蛟龍以爲  
穴禱雨雨卽施吾聞諸鄉耄迺遷出幽崖碑苔頻  
剔抉

噴霧崖 縣東三十里白兔亭後勝覽云蟠龍洞之  
泉下注垂崖約二百餘丈噴薄如霧石壁間刻噴  
霧崖三字宋張商英留題云水味甘腴偏宜煮茗  
非陸羽莫能辨范成大以爲天下瀑布第一有飛



練亭與之相對嘉慶十二年邑令符永培手書蜀  
嶺雄風四大字鐫于石壁

垂雲山 縣東六十里其上舊有翔雲樓今廢

品字山 縣西十里連赤牛城

金城山 縣小西路三十里天然如城四面峭壁雄  
壯僅通一徑鑿石爲門

邵盦記梁山郭西有山焉四壁危懸聳卓爲一方  
之冠名曰金城其隅有門穿自石腹陟梯仰躋漸  
迤平盤磴而登頂展數里地舊多井今大半就涸

梁山縣志

卷二

山川

古

存者石泉滾滾足供汲濯炎暑不侵夏亦可裘翠  
竹成叢周遮濃蔭而瓜棚豆架草樹鶯花間亦互  
相點綴當夫梅蕊飄香則又若羅浮夢醒見翠羽  
啾嘈參橫月落時也崖足皆田勻勻彌望遠近皆  
山石之銳者如劍如戟如虎兇鈍者如營如壘如  
雲梯四覽可得時而采霞布地旭日穿簷晨起披  
衣頓厭煙火時而絮雲漾漾滿谷堆綿輕風颺之  
初如裂冰綃萬幅旋如汎巨海瀉銀濤茫無津畔  
則大雨必連日土人常以是爲候夫天生崇巖峻



谷將與文士爭竒采騷客暢吟弄者也昔論山水者當兼人故曰山峩峩而水揚波其人磊落而英多是山之竒特得畢君子見構精舍其間左圖右史嘯傲終朝選石置樹下撫幹長歌依條點筆遙瞻崑削近挹崇隆飄飄乎若御太乙之舟駕鴻濛憑灑氣與造化遊乎余以登高舒懣信宿還忘略爲叙次但覺夕陽明滅雲烟無際乾隆庚戌冬月

釜山

縣西二十里沙河其山如釜故以釜名之來

瞿唐先生有一祖相傳來曾作宋龍圖閣學士不知何時移居湖廣麻城元兵亂入蜀避兵乃居梁山之康村正統後移居釜山卽瞿唐所生處也

來知德釜山雜詠清風草閣三竿竹明月山泉一

曲琴惟有梅花知此意冷香入夢到而今其一繞

宅蘚苔惟鳥跡隔溪烟霧似人家淒清莫是仙源

近一線冰泉萬片花其二顏回巷裏難旋馬原憲

門前長野蒿剩有春風長富貴杏花泗水日滔滔

其三明明皎日高松下淡淡清風密竹前石上許

多華胥夢一聲啼鳥喚人眠其四生子何須論化



鶴閨年不獨有黃楊棹歌夜訪山陰雪興盡歸來  
也不妨其五今人逢窮郎名鬼誰又將錢論作神

豈識鬼神郎晝夜月纔屈處日旋伸其六喜成却

恐敗將至憂失還從得裏生一笑攬來通嚼爛清

風明月送將迎其七

七城山 縣西三明統志作二十里山有七峰壁立如城

直接銅印山

金鳳山 縣西五十里紀勝云山南半崖有罅深邃  
內皆洞明其石上有似圖仙女狀面貌儼然時若

梁山縣志

卷二

山川

六

動搖迫而視之則不見

佛立山 縣西七十許高接碧落俯視羣山若見  
孫山頂微斜若旗向邑傳普賢大士始駐立高梁  
山繼立此山嗣駐立峨眉得名

白雲山 縣西一百里紀勝云軍西百四十里筆山  
卽白雲山也奇峰如筆故名宋張無盡詩白雲山  
上揖世尊各以願力濟羣生卽此

曹學佺萬歷己酉歲登峰上卽別寄題詩似筆挺  
然秀山川亦好文宕渠花裏出秦嶺竹間分白石



生春水香龕積暮雲經過難久住日後覺離羣  
又壬子歲再過此作霧到此中止分明要客登水  
田開四野松石閉孤僧步入禪鐘懶詩題綵筆曾  
稍紓行役苦惟有勝緣能

瓦城山 縣西一百二十里一名石瓦山寰宇記云  
石瓦山在縣西百一十三里山巔有古人礪刀劍  
亂石如積瓦焉圖經云石瓦山下有古欄楯縱跡  
屈曲至於山上其巔平坦居民耕其上往往得古  
銅片

梁山縣志

卷二 山川

七

五斗山 縣西南三十里形如斗斛連銅印山下有  
御史灘桂溪出焉

銅印山 縣西南六十里山凸起若印儼朝天獅狀  
俗呼獅子山臨三攜灘河厓與墊江縣接壤

逢溪山 縣南八十步一名六岡山寰宇記水西南  
流入桂溪縣界

大圍山 小東路三十里綿亘五里

石馬山 縣南五里山形如馬仰首口鼻向天俗稱  
下田損禾苗鄉人捕跡鑿去兩目



柏枝山

縣南十五里

明統志作一十里方輿記要作百里

下有丙穴

出嘉魚

多喜山

縣南

紀勝作西

五十里紀勝云時有神光現見

之多獲喜事故名相傳陳希夷曾居此丹爐石枕俱存綿連荒山接壤忠州上有二泉名雌雄泉春夏左盈右竭秋冬左竭右盈

正陽山

縣治後

小梁山

縣城內俗名印盒山堪輿家俱云此山與

三台山東西對峙是薦元官貴二星並起繼長增

梁山縣志

卷二

山川

六

高主科名嘉慶十二年邑令符永培捐築名青鎖亭

書院峽

縣東五十里峽石市之北峯巒削聳泉水

澄清勝覽云每風雨冥冥如聞讀書聲故其中有

夫子崖子貢壩峽下有坐卧石榻按夫子子貢及

韓退之皆未曾至蜀此必附會之說也

邑令李聯璧詩人不解讀書何由通句讀人不善

讀書要祇事飭餽詎意絃誦音偏出山川秀名山

如名士留心于藝圃峽以書院稱名存實自副相

傳風雨時或者晦明候咿唔響輒盈斷續韻相就



境寂返聽真此必本天授外飾聲易銷內美理當  
守恐有列仙人同心訂蘭臭庶幾往尋之一編與  
三復白雲影渺茫寒意落巖岫

〔邵整詩〕我聞峽石市北縣城東層巒疊嶂出天工  
天欲斯文未墜地山靈力足振躡壘風雨與晦明  
節候因時變此中雜誦聲隱疑出書院或低或昂  
乍抑乍揚竅鑿混沌調叶笙簧元音空際布逸韻  
靜中度不辨文古今奚分歲新故似從一畫餘貯  
此玉洞虛應須領悟語言初世人滿架芸編束紅

梁山縣志

卷二

山川

十九

塵紫陌爭馳逐一空宇宙嘈雜音此書未許僮父  
讀子貢壩夫子崖仰止高山深向往遺教從來處  
處皆其靈秀也如斯我欲尋聲索響窮其妙吁嗟  
乎我欲尋聲索響窮其妙寄語稽古者勿貽名山  
笑

石牛山 縣東四十里山上二峰一石鼓一石牛對  
岸白兔亭水由此山脚纒繞出銀河橋

佛印山 縣東九十里與梁萬接壤山頂有庵院一  
座上有泉水此山高峻脚有河水由分水起環繞



葫蘆埧

觀音山 縣西六十里後有峻嶺前有木魚山坎下  
匾石一塊形像觀音合掌趨下南連壽佛山山上  
有二峯周圍高坎山嶺重護兩旁俱係小河繞下  
倒石礮

寒泉洞 縣西十里勝槩不亞蟠龍

三寶洞 縣西北五十里在金鳳山洞中有石龍鱗  
爪宛然門外峰列若寶珠水向南流過沙河橋合  
桂溪

梁山縣志

卷二

山川

三

龍洞 縣西九十里明統志作一百里

蟠龍溪 縣東三十里自蟠龍山發源下噴霧崖東  
南流一百五十里歷忠州石寶寨入岷江不通舟  
楫

桂溪 縣西南三十里兩崖多桂唐忠州有桂溪縣

以此得名一名高灘溪又名御史灘明統志云御史灘在梁山

縣西五里宋御史張商英與親朋酣飲於此因名源發五斗山北流三十

里至縣城西又西流七十里入墊江界

玉帶溪 縣北源出馬村龍泉山合流入雙溪



雙溪 縣北經寶泉山由東鄉入江

化龍淵 縣北七十里舊名落狗洞夔郡守陳季習更今名在大山外交達州界俗名龍亭乾隆四十二年閏六月大旱楊家場人民至其地請水求雨欲得真水拜一日夜水不汜濫有鄉老云此水惟天欲雨則汜泡乾旱則無請水者愈虔誠暴拜三日泡汜湧出中有黃鰍魚見身卜云兵將欲攝水去置之餅中蓋好泥封之迎至壇所其夜即大雨及還水瓶中鰍魚不見

梁山縣志

卷二 山川

三

水寒泉 南城內 桂溪傍

石觀音井 南城洞數十步

桂花井 文廟內

縣署右內井

白沙井 南城外 水色白

白馬井 西城外五里鎮龍寺

萬年寺井 治南城外

白果井 南城內

武廟井 南城內



庫樓井

棚廠後

楊柳井

四牌樓

杜和井

東門外黃家灣

觀音井

治西城外

梁山縣志

卷二

水利

又三



水利

梁邑爲川東孔道往來皆由陸而舟楫不通顧江流雖遙澗溪非少其源流歷歷可溯也若乃堰之名始見於李冰水則中行所無事防於未然但能蓄洩得宜可決旱澇有備歐陽公修唐史一堤一堰所爲悉著於地里志乎

龍溪河源出梁山縣東南山西北流經縣北境有一水南自城北流來會又西流合南來一水又西南流有沙河自西北來會又南流有七間河自西來會又南流折而西南有狐狸山二水自西北合而來會又西南經墊江縣境合諸水以入大江

梁山縣志

卷二

水利

三

東溪堰 水過東門弔橋入東水禁門左旋倒右西行過縣署照壁前北流滙南水禁門流入文廟前化龍橋水出北水禁門由萬石樓山麓繞北關外垂雲樓前惠民橋向西北戍宮流去

東鄉新舊塘堰

陡梯子山溪一道上流下接約十餘里引水灌田  
扈家漕有小溪居民於左右上下各開溝約五六里引



水至蟠龍洞築堰一路架規引水至豆腐店雙河口  
約計二十餘里灌田甚衆

夫馬埧有小溪居民依溪築堰引水約八九里至石河  
溝

白羊河舊有溪河居民依河築堰架規引水由曲水至  
分水約二十餘里灌田甚衆

曹家溝有小溪居民築堰積水架規引水至葫蘆埧約  
二十餘里

千工堰舊有古堰因河修築用以灌田

梁山縣志

卷二

水利

三

吃水溝有小溪居民築池五區積水灌田

川王廟有山溪居民順勢開溝引水二里有餘

野茅溝有山溪居民因溝築池積水灌田

大樹山居民築塘三口積水灌田

賴家山居民依山作塘積水灌田

以上十  
一處

南鄉新舊塘堰

散水南路二十五里有水從暗洞流出四時不竭

市郭里舊有千金堰蓄水引流約三十餘里至頂堰礮  
龔家岩舊堰灌田伍頃八十餘畝



黑林灣有溪居民依溪修堰積水灌田

青涼洞舊有古堰積水灌田

大白水有古堰溉田甚衆

洪家溝有山溪居民於左右開溝約十餘里引水入石

龍堰可灌溉王家堰等處田

貴溪里有溪居民順山開溝二道約二十餘里引水入

胡家堰灌田甚衆

小白水居民築堰左右開溝左引水溉劉家塩田右引

水十餘里溉杉木冲田

梁山縣志

卷二

水利

蔡家埧居民築堰積水灌田以上十處

西鄉新舊塘堰

藥子溪居民依溪築塘引水灌田

七間橋有小溪居民舊築上中下堰三所因高就下架

梘引水約三十里溉田甚多

千石埧水田極多素有王公堰千石堰二所又架梘接

引千石堰水約二十餘里至朱家巷灌田甚衆

小西里舊有龍河堰左架梘引水約二十里至南木橋

堰右架梘引水約二十餘里至葉家埧灌田甚衆



來家橋有小溪居民築堰蓄水開溝約十餘里

張家嘴有小溪居民依溪築堰左右引水約十餘里

謝家溝居民鑿塘二口積水灌田

梓耳埧居民依山築堰架規引水約十餘里藉以溉田

平灘河居民築小堰積水灌田

李塘埧有古堰蓄水架規分引三十餘里灌田甚衆

龍峽口居民築堰由李家嘴架規過河引水至沈家灣

孟家嶺約十餘里灌田甚衆

高家埧居民築堰灌田

梁山縣志

卷二

水利

三

梅家埧居民築堰灌田

向丙礮舊有堰積水灌田

小堰河居民築堰灌田

以上十五處

北鄉新舊塘堰

北門埧舊有堰灌田甚衆

甘家埧有小溪居民依溪築塘移水灌田

馬營埧有古堰左右開溝引水約十餘里

樂勝里石樑堰舊有上中下三堰積水灌田

曲水溝有林家古堰居民又築石堰名左家堰並於左



右開溝蜿蜒十餘里

叁蹬坡有小溪居民順勢築堰名三蹬堰

西山溝有小溪居民就勢築堰因高就下架規引水十餘里

白林漕有古堰積水灌田

黃家漕有古堰積水灌田

江市舖有小溪居民依溪築堰蓄水灌田

王家埧居民築塘積水灌田

紅岩子居民築堰引水數里至唐家埧灌田甚眾以上十二

梁山縣志

卷二

水利

三

處

邑北關外舊有春耕堰源自菩薩頂蜿蜒委折由南郭而沿武廟遞暗橋瀉出于北門萬石樓下前人修築功亦鞏固第春水時漲堰口日見傾頽嘉慶十三年張尉往勘量田數之多寡勸令捐輸士民俱踴躍從事即日鳩工堅砌頗復舊觀所有和尚橋大墳凸芝麻嘴等處沃野萬頃莫不沾餘潤焉



增 邑東北外劉公堰 梁地半山水道遠隔道光四年  
署令劉衡因地制宜於邑之東北外捐廉倡首並勸  
諭紳糧築堰計數十里而遙每值天旱卽決堰口灌  
漑田疇禾苗沾潤無虞枯槁故西北兩大壩賴以防  
旱至今猶稱頌弗衰

增 南門外大塘 出南城半里許有山曰火燄俯瞰城  
闔居民常戒於火咸豐五年職員畢耀章捐資購地  
於山之麓督工開大塘以蓄水四圍石合無罅秋冬  
不涸俾以水制火也遇旱亦可灌田



補遺

海馬山 縣西南七十里名海馬朝天有月掛林梢  
石壁古畫長松鼎峙鷹鴉羣飛四景

紅岩洞 縣西四十里平原曠野別有奇觀乾隆二  
年有廣安州人獨子抱病服藥不效觀音顯應立  
愈遂言其地彼至此處石上果刻有觀音以及諸  
神貌象森嚴今遠近祈求者無不靈驗

漏明巖 縣西南三十里聳然特峙罅甚洞明對面  
視之無有障蔽俗傳爲漏米岩恐悞

梁山縣志

卷二

水利

三

洞賓巖 縣北路距城三十餘里地名二郎灘有岩  
洞壁鐫呂仙像長四尺許足踏寶劍靈顯遠方有  
求必遂上有石匾覺夢之師四字旁刻明崇禎壬  
午年立匾曰松濤石屋崇禎壬午春葛岩居士題  
又詩云靜坐石垂蓋閑觀松獻花此中真意味未  
易語君家憲周題又洞門碑序係邑人唐照應於  
五十八年表彰金容序云玉清內相天宮選仙化  
身爲三教之師掌法判五雷之令黃梁夢覺忘世  
上之功名寶劍光輝掃人間之妖怪四生六道有



感必豸三界十方無求不應存道像於石壁顯仙  
迹於雲洞黃鶴樓中留聖跡玉清殿內煉丹砂闢  
法門之香火理元嗣之梯航

撒谷灘 縣西南七十里石崖絕壁昔人有七斗撒  
谷養金雞之語

金雞河 縣小南路八十里有石嘴似雞形

兩滙灘 縣西七十里係梁邑風水所關之處東山  
與西山河於此會聚下流十餘里卽歸墊江縣

梁山縣志

卷二

水利

三

